



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1752. usque ad
Annum 1757 - Cum Appendice ad Annos 1744. 1745. 1748

Luxemburgi, 1758

LXIII. Utinensi Metropolitanæ Ecclesiæ Missa de Spirita Sancto cum certis
Collecta & Orationibus celebranda conceditur in die depositionis, seu
commemorationis B. Bertrandi Aquilejensis Patriarchæ. ...

[urn:nbn:de:hbz:466:1-74789](https://nbn-resolving.org/urn:nbn:de:hbz:466:1-74789)

LXIII.

Utinensi Metropolitana Ecclesie Missa de Spiritu Sancto cum certis Collecta & Orationibus celebranda conceditur in die depositionis, seu commemorationis Beati Bertrandi Aquilejensis Patriarcha.

BENEDICTUS PAPA XIV.

Ad futuram rei memoriam.

Prooemium. A studio ampliandi Sanctorum cultum.

NON est equidem, quod Nos in hoc ipso potissimum Apostolicae omnium Ecclesiarum sollicitudinis & procurationis gravissimo ministerio, imbecillitati Nostrae a Supremo Pastorum Principe Jesu Christo, cujus vices in terris plane immerentes gerimus, imposito, rite sancteque obeundo fere defessos, magis reficere & recreare videatur, quam cum opportuna sese Nobis offerunt occasiones, per quas Pontificiae auctoritatis, benignitatisque partes adhiberi a Nobis petitur in promovendo ampliandoque eorum Christifidelium cultu, quos in Domino confidimus in caritate Dei conjunctos ex hac vita migrasse, & in aeterna Beatorum sitione in Caelis positos gaudere; cum per totum fere vitae Nostrae spatium, quoad Nobis integrum fuit, non miserimus immensos labores impendere, ut praeclara Venerabilium Servorum Dei, Beatorum, & Sanctorum gesta tot editis voluminibus illustraremus.

Immemoria- lis praestitus Beato cultus.

§. 1. Quoniam autem in Metropolitana Ecclesia Utinensi, sicut Dilectus Filius Noster Daniel Tituli Sanctae Mariae supra Minervam Presbyter S. R. E. Cardinalis Patriarcha Delphinus Archiepiscopus Utinensis nuper Nobis humiliter exposuit, Corpus five Offa Beati Bertrandi, dum in humanis ageret, Patriarchae Aquilejensis viam universae carnis anno MCCCL. ingressi reperjuntur, cui, quemadmodum pariter exposuit, publicus cultus impendi ceptus ex eo Transitus sui tempore, ad hanc usque diem exhiberi pergit, pro quo sane Cultu comprobando necessaria quoque documenta ad Nos transmittenda curavit, atque insimul retulit, in die nimirum defunctionis ejusdem Beati Bertrandi solemnem Missam pro gratiarum actione in Omnipotentis Dei honorem cani, juxta providum sapientisque consilium Venerabilis Servi Dei Caesaris Cardinalis Baronii Ecclesiastico- rum Annalium Auctoris, de Sanctis quoque in Martyrologio Romano descriptis meritis, qui a sel. rec. Clemente PP. VIII. Predecessore nostro oraculum acceperat. Praeterea idem Daniel Cardinalis Patriarcha & Archiepiscopus supplices preces obtulit, ut publicum hujusmodi Cultum ampliari de Apostolica benignitate & auctoritate dignaremur.

Ad preces Emmi Card. Patriarchae & Archiepiscopi conceditur, ut in die commemorationis B. Bertrandi celebratur Missa de Spiritu Sancto cum inscriptis orationibus.

§. 2. Nos igitur, qui laudatum Danielem Cardinalem Patriarcham & Archiepiscopum, ob eximias generis animique dotes, ac Sacerdotales in regendis populis suae Pastoralis curae commissis virtutes, plurimi facimus, magnoque in honore habemus, piis votis porrectisque precibus benigne obsecundare cupientes, postquam omnia & singula ad hujusmodi gravissimum negotium spectantia, matura consideratione expendimus, ac praesertim allata super publico exhibito Cultu documenta, & quidquid de eodem Beato Bertrando illius temporis Auctores gravis nota scriptis suis consignarunt, in hanc sententiam devenimus, atque Apostolica auctoritate tenore praesentium statuimus, ut in die quidem, in qua annua in memorata Ecclesia Metropolitana Utinensi sepediti Beati Bertrandi memoria recolitur, & in qua ipsius

Beati Bertrandi Corpus five Offa reposita sunt, celebratio solemnis Missae cum Cantu pro gratiarum actione in Omnipotentis Dei honorem in singulos annos peragatur. Hujusmodi vero Missa sit illa, quae de Spiritu Sancto in Missali Romano habetur; atque in ipsa addantur Orationes, sive Collectae, ut infra, nimirum, post primam quidem Orationem, sive Collectam de Spiritu Sancto, sub unica Conclusione dicatur: Deus, qui Beatum Bertrandum pro Ecclesiae suae juribus ad mortem usque certantem invicta pastoralis fortitudine roborasti, praesta fidelibus tuis, ut ad pietatis & religionis constantiam ejusdem informantur exemplis. Per Dominum &c. Post alteram vero, sive Secreta: Sacra dona, quae Tibi, Domine, reverenter offerimus in commemoratione Beati Bertrandi, Ecclesiae tuae libertatem tueantur & pacem, & sanctificationis nostrae incrementa promoveant. Per Dominum &c. Post tertiam demum, sive Postcommunio: Praesta, quaesumus, Omnipotens Deus, ut in honorem Beati Bertrandi celebrata mysteria, ejus virtutum imitatores, & tu propitiatione nos dignos efficiant. Per Dominum &c.

§. 3. Decernentes praesentes literas, & in eis contenta quaecumque, semper firma, valida, & efficacia existere & fore, suosque plenarios & integros effectus sortiri & obtinere, & illis, ad quos spectat, & pro tempore quandocumque spectabit, in omnibus & per omnia plenissime suffragari; sicque & non aliter in praemissis per quoscumque Judices Ordinarios & Delegatos, etiam Caesarum Palatii Apostolici Auditores, & S. R. E. Cardinales, & eorumdem Cardinalium Congregationes, & quosvis alios quacumque praeminentia & potestate fungentes & functiones, judicari & definiti debere, ac irritum & inane quidquid secus super his a quocumque quavis auctoritate scienter vel ignoranter contigerit attentari. Non obstantibus Constitutionibus & Ordinationibus, Apostolicis, ceterisque contrariis quibuscumque.

§. 4. Volumus autem, ut earumdem praesentium Litterarum transumptis, seu exemplis, etiam impressis, manu alicujus Notarii publici subscriptis, & sigillo Personae in dignitate Ecclesiasticae constitutae munitis, eadem prorsus fides adhibeatur, quae ipsis praesentibus adhiberetur, si forent exhibitae vel ostensa.

Datum in Arce Gandulphi Albanen. Diocesis sub Annulo Piscatoris die XVIII. Junii MDCCLVI. Pontificatus Nostri Anno Decimosexto.

Cajetanus Amatus.

Privilegia Monasterii Monialium B. Mariae Virginis, Ordinis S. Benedicti, prope & extra muros Civitatis Aquilejensis, opportuna locorum subjeutorum descriptione, ac definitione jurisdictionis Delegati Apostolici apposita, confirmantur.

BENEDICTUS EPISCOPUS, SERVUS SERVORUM DEI,

Dilectis in Christo Filiabus, Abbatissae & Conventui Monasterii Monialium Beate Mariae Virginis, Ordinis Sancti Benedicti, prope & extra muros Civitatis Aquilejensis, nullius Diocesis, Salutem & Apostolicam Benedictionem.

QUE ex Apostolica Praedecessorum Nostrorum Romanorum Pontificum auctoritate & liberalitate Religiosis Domibus ac

Constitutae clausulae & decreta in praemissorum firmitatem.

Sumptuum fides.

Dat. 18 Junii 1756. Pont. 16.

LXIV.

Prooemium. Privilegia non temere abroganda, suis tamen limitibus cohibenda.